

promictendum, sententiam et laudum et arbitrariam audiendum et ab ipsis et quibuslibet grauaminibus illatis et inferendis appellandum et protestandum et appellatos comictendum et prosequendum, finem et quietationem faciendum, et generaliter ad omnem illam conuentionem et concordiam faciendum, prout eis melius uidebitur et placebit, promictentes se ratum, gratum et firmum habere perpetuo totum et quicquid per dictos syndicos et procuratores eorum concordatum, conuentum, obligatum et factum fuerit in predictis omnibus uel aliquo predictorum, sub ypotheca et obligatione omnium bonorum dicti comunis presentium et futurorum, uolentesque etc.

## XXVI

1359, 15 luglio.

IV, III, 41/53.

(*Protoc. llo c. s.*): Die (15 luglio), loco, testibus et examinatore predictis. Crestolus Petri Papalis, tamquam syndicus comunis et hominum ciuitatis Spalati, cum consensu et uoluntate iudicum et consilii generalis ibidem ad infrascripta specialiter congregati, fuit confessus et contentus fore eidem comuni integre solutum et satisfactum a Peruosclauo Johannis et a Damiano Marci, daciariis gabelle carniū becarie, de illis mille trecentis et LXX libris uenorum paruorum, quas dicti Peruosclauus et Damianus eidem comuni dare tenebantur pro dacio gabelle supradicte, de quibus dictus syndicus per se et suos heredes et successores fecit dictis Peruosclauo et Damiano, pro se et suis heredibus et successoribus recipientibus, finem, quietationem, remissionem et pactum de ulterius aliquid non petendo, uolens quod omne instrumentum uel scriptura si qua apparerent de predictis sit capsā etc. Actum in palacio comunis, presentibus Çutio Buchamaioris, Francisco Damiani et aliis de dicto consilio testibus, et Marino Laurencii examinatore.

Die (15 luglio), loco, testibus et examinatore predictis. Peruosclausus Johannis et Damianus Marci, daciarii gabelle carniū bechariarum comunis Spaleti, fuerunt confessi et contenti esse debitores et uelle dare de denariis daci dictae gabelle ser Theodosio Leonis libras septingentas et uiginti uenorum paruorum, quas dictus Theodosius habere debebat a comuni Spaleti pro certis emprestitis et pro certo thesauro sancti Dompnii, quod ipse Theodosius habebat a comuni Spaleti pignore et quod reddidit et restituit comuni predicto, quas septingentas et uiginti libras uenorum paruorum dicti Peruosclauus et Damianus per se et suos heredes et successores promiserunt dare et soluere ipsi ser Theodosio pro se et suis heredibus et successoribus recipienti, omni exceptione remota, integre cum effectu ad